

# Ti importants fon te khiner tisipliniire un ti eltere eere

Tuu een khint in te weech woo ëyer  
keen solt, un wën tee alt wërt,  
tuut tee nët fon tēm wëch  
keen. Provérbios 22:6



## Fer ti Eltere

Kuk, ti khiner sin een erlaupnis fon te Hërkot, un ti frucht fon te xwangerxaft is sayn loon. Salmo 127:3  
Weer sayn xtok xpaart, hast sayn soon, awer weer tee liipt, tuut tee in te richtich tsayt xtroof këpe.

Provérbios 13:24

In te ëngst fom Hërkot is een xtarek fertraue, un sayn khiner hon een plats fer se xitse.

Provérbios 14:26

Tuu tayn soon xtroof këpe, wëns tuu hofnung host, un los tayn seel nët fertraue weeche sayn xraaye.

Provérbios 19:18

Ti xlëchtichkheet is in een khint sayn hërts kexpant; awer te xtok fon te korëktsioon tuut tas wayt fon tëm wëch xafe. Provérbios 22:15

Tuu nët tas khint uf phase, wayl wëns tuu tee mit te xteke xmayst, tuut tee nët xtërwe. Tuu tuust tee mit te xteke xmayse un tuust sayn seel fon te hëlle rëte. Provérbios 23:13-14

Ti xteke un ti xtroof këpe kluucheet, awer een khint woo fer sich selepst kelos wërt, tuut sayn muter ferxeemt. Provérbios 29:15

Tuu tayn soon richtich mache, un tee tuut tich ruu këpe; yaa, tee tuut tayn seel frooheet këpe.

Provérbios 29:17

Un al tayn khiner wëre fon te Hërkot kelërnt; un te friit fon tayn khiner wërt kroos sin. Isaías 54:13

Tee woo sayn soon liipt, macht tas tee oft mools ti xteke xmayst, tas tee am en frooheet mit tem hot. Tee woo sayn soon xtroof kept, tuut sich fraye mit tem, un tuut sich fon tem fraye tswixich sayn froynte. Weer sayn soon in lern, tuut te faynt traurich lose, un foer sayn froynte tuut tee sich fon tem fraye. Opwool sayn fater xtärept, is tee wii wen tee net toot weyer, wayl tee hot een hiner kelos woo soo wii eyer is. Wii eyer keleept hot, hot eyer kesiin un hot sich mit tem kefrayt, un wii eyer kextorep is, waar eyer net traurich. Tee hot een rechner keeche sayn faynte hiner kelos, un een woo ti kuutheet fer sayn froynte petsaale tuut. Weer tsu fiil fon sayn soon macht, tuut sayn wunxe uf mache; un sayn herlichkheet wert ferwunert mit yeete xraay. Een xoof woo net kexnit kep is, wert xroo, un een khint woo fer sich selepst kelos kept, wert wilich sin. Ferxpot tayn khint, un tee tuut tich engstlich mache, xpiil mit tem, un tee tuut tich in xwiirichkheet pringe. Tuu net mit tem lache, tas tuu net traurichkheet mit tem host, un tas tuu net am en tayn tenke xmayst. Tuu tem kee frayheet kepe in sayn yungheet, un tuu net tem sayn xlechtichkheete winke. Tuu tem sayn hals runer xmayse wen eyer yung is, un tuu tee uf ti sayte xmayse wen eyer kleen is, tas tee net xwach wert un tich net aan heere tuut, un soo, tuut tee traurichkheet in tayn herts pringe. Tuu tayn soon xtroof kepe un halt tee aan fer se xafe, tas sayn xlechte aanxtelung net een xlecht tings fer tich wert. Sirak 30:1-13

## Fer ti khiner

Tuu tayn fater un tayn moter eere, tas tayn taache lang sin uf tēm lant woo te Hērkot tayn Kot tich kēpt. Êxodo 20:12

Mayn soon, tuu nēt ti xtroof fom Hērkot ferachte; un tuu tich nēt ferwunere mit tēm sayn korektsioon: wayl te Hērkot tuut weem liipt, korijiire; soo kaar wii een fater te soon woo ëyer kērn hot. Provérbios 3:11-12

Ti proope fon Salomon. Een kluuch soon macht te fater froo, awer een tumheet soon tuut sayn muter traurichkheet pringe. Provérbios 10:11

Tuu tayn fater aan heere woo tich kepoer hot un tuu nēt tayn mama ferachte wën se alt is. Provérbios 23:22

Khiner, heert ayre ëltere aan im Hēr, wayl tas is richtich. Tuu tayn fater un tayn muter eere; Tas is tas ëyerste kepoot mit ferxprēche; Tas es kuut wért fer tich sin un tas tuu lang uf te Eyert leewe khanst. Efésios 6:1-3

Eere tayn fater mit tayn kanse hërts, un ferkës nēt ti traurichkheet fon tayn mama.

Eriner tich tas tuu fon tēne kepoer kep pist; Un wii khanst tuu tēne tsurik kēpe was se fer tich kemacht hon? Sirak 7:27-28

Heer mich ayre fater, O khiner, un macht tas noo, tas tëyer sicher sayt. Wayl te Hërkot hot ti eere fer te fater iwer ti khiner kep, un hot ti autoriteet fon te muter iwer ti khiner pekhant kemacht. Weer sayn fater eere tuut, tuut sayn sinte fertsaye, un weer sayn muter eere tuut, is wii yemant woo een raychtum samele tuut. Weer sayn fater eere tuut, tuut frooheet fon sayn aychne khiner hon; un wën ëyer sayn kepeet macht, wërt ëyer aan keheert. Weer sayn fater eere tuut, tuut een lang leepe hon; un tee woo te Hërkot aan heert, wërt een troost fer sayn muter sin. Tee woo te Hërkot aan nëmt, tuut sayn fater eere un tuut sayn eltre tiine wii sayn hër. Tuu tayn fater un tayn muter eere, in wërter un aktsioone, tas een seechen fon tëne tich khomt. Wayl te seechen fom fater macht tas ti hayser fon te khiner xtarek sin; awer te flus fon te mama tuut ti funtamënte aus roote. Tuu tich nët ferwunere mit te unkerechtichkheet fon tayn fater; wayl tayn fater sayn eere is khee hërlichkheet fer tich. Wayl ti hërlichkheet fon en man khomt fon te eere fon sayn fater; un een muter woo nët eere tuut, is een xpot fer ti khiner. Mayn soon, helf tayn fater in sayn alter, un tuu tee net traurich lose soo lang wii er leewe tuut. Un wën tëm sayn ferxtëntnis xwach is, say ketultich mit tëm; un tuu tee nët ferachte wëns tuu in tayn kans kraft pist. Wayl ti hilef fon tayne fater wërt nët ferkes këpe, un anxtat ti sinte wërt tas hiner kelos këp fer tich uf paue. Am taach fon tayn xwiirichkheete wërt tas erinert; tayn sinte wëre aach ferxmelt, wii tas ëyert in te xeen waarem weter. Weer sayn fater ferliirt, is wii een xlëcht persoon; un weer sayn muter wuut macht, is ferfluucht: fon Kot. Sirak 3:1-16

Wën mer unser khiner tisipliniire, tuun se yets wee awer in te tsukhunft tuun se sich fraye. Wën mer unser khiner net tisipliniire, tuun se yets froo sin awer in te tsukhunft tuun se wee.

Ti khiner sin ti tsukhunft fon unser lant. Awer wën se oone tisipliin alt wëre, was wërt ti tsukhunft fon unser lant sin?

Al ti xlechte kewoonheete fon een elter persoon sin tii woo net keënert kep sin orer tisipliniirt kep sin wii eyer noch een khint waar. Mëyer mise khiner uf phase woo Kot hon, liipe un aan heere.

Ich hon een xtik leewent ëyert kehool  
Un sanft keformt tas taach fer taach  
Ich sin noch mool khom wii ti yoere rom kang sin  
Es waar een man woo ich kekukt hon  
Er hot noch tas friirixe impresioon ketraa  
Un ich khont tee nii mee ënere